



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Černija br. 8, tel: 033/237-655, 033/483-400, fax: 033/440-658, www.viksa.ba
e-mail: press@viksa.ba PDV-IB: 200151950004, ID: 4200151950004

Na osnovu Odluke Nadzornog odbora KJKP "Vodovod i kanalizacija" d.o.o. Sarajevo broj 1V-03/26 od 07.01.2026. godine, a u skladu sa članom 263., a u vezi sa članom 303. stav 1. Zakona o privrednim društvima („Sl. novine Federacije BiH“, broj 81/15 i 75/21), članom 12. Zakona o javnim preduzećima u Federaciji BiH („Sl. novine Federacije BiH“, br. 8/05, 81/08, 22/09 i 109/12), članom 29. tačka o), a u vezi sa članom 48. Statuta KJKP "Vodovod i kanalizacija" d.o.o. Sarajevo broj: 2317/22 od 18.04.2022. godine i broj: 2R-05/24 od 29.07.2024. godine, Nadzorni odbor KJKP "Vodovod i kanalizacija" d.o.o. Sarajevo, r a s p i s u j e:

KONKURS

**za izbor i imenovanje članova Uprave
Kantonalnog javnog komunalnog preduzeća
„Vodovod i kanalizacija“ d.o.o. Sarajevo.**

I-Pozicija

Raspisuje se javni konkurs za izbor i imenovanje dva člana Uprave Kantonalnog javnog komunalnog preduzeća „Vodovod i kanalizacija“ d.o.o. Sarajevo, sa sjedištem u Sarajevu, ulica Jaroslava Černija broj 8, (u daljem tekstu: Preduzeće).

Javni konkurs se raspisuje za sljedeće pozicije:

- 1. Izvršni direktor za investicije i tehničke poslove;**
- 2. Izvršni direktor za ekonomske i pravne poslove.**

II-Opis pozicija

Izvršni direktor za investicije i tehničke poslove i izvršni direktor za ekonomske i pravne poslove su članovi Uprave Preduzeća i obavljaju poslove iz svoje nadležnosti.

Uprava je odgovorna i nadležna da:

- a) organizira rad i rukovodi poslovanjem;
- b) izvještava Nadzorni odbor i druge nadležne organe o radu i poslovanju preduzeća;
- c) donosi Poslovnik o radu Uprave i druge opće akte iz svoje nadležnosti;
- d) izradi provedbene propise za postupak javnih nabavki i provodi važeće propise o postupcima javnih nabavki;
- e) izradi i realizuje plan poslovanja i revidirani plan poslovanja, s planom nabavki;
- f) daje prijedlog rasporeda dobiti;
- g) daje prijedlog načina pokrića gubitka;
- h) donosi odluku o osnivanju podružnice, uz prethodnu saglasnost Nadzornog odbora;
- i) zapošljava i otpušta radnike i reguliše njihov radno pravni status u skladu s pravilnicima i važećim propisima;
- j) predlaže organizaciju Preduzeća i sistematizaciju radnih mjesta ;
- k) utvrđuje prijedloge općih akata iz nadležnosti Nadzornog odbora;
- l) priprema i predlaže Nadzornom odboru donošenje odgovarajućih odluka, izvještaja, studija, analiza, planova rada i programa razvoja i preduzimanje mjera za njihovo provođenje ;
- m) predlaže, imenuje i razrješava predstavnike Preduzeća u organima i tijelima drugih pravnih lica ;
- n) priprema i predlaže Cjenovnik usluga Nadzornom odboru;

- o) podnosi izvještaj o poslovanju Nadzornom odboru po godišnjem obračunu s bilansom stanja i bilansom uspjeha ;
- p) podnosi izvještaje o javnoj nabavci Odboru za reviziju i Nadzornom odboru ;
- q) primjeni preporuku Odbora za reviziju u rokovima, koje u pogledu njihove realizacije utvrdi Odbor za reviziju;
- r) provodi zakon i druge propise ;
- s) provodi Statut, Etički kodeks i druge akte Preduzeća i odluke organa Preduzeća ;
- t) osigurava zakonitost rada Preduzeća ;
- u) zastupa Preduzeće prema trećim licima;
- v) obavlja i druge poslove neophodne za poslovanje Preduzeća, u skladu sa zakonom.

III-Mandat

Mandat članova Uprave je četiri godine.

Plaća i druga materijalna prava izvršnih direktora uređuju se ugovorom između direktora Preduzeća i izvršnih direktora, uz prethodno odobrenje Nadzornog odbora.

IV-USLOVI ZA POZICIJU

Kandidati za izbor i imenovanje na upražnjene pozicije moraju ispunjavati opće i posebne uslove.

a) Opći uslovi:

- da je stariji od 18 godina (dokaz: original ili ovjerana kopija izvoda iz matične knjige rođenih)
 - da je državljanin Bosne i Hercegovine (*dokaz: uvjerenje o državljanstvu, ne starije od 6 mjeseci original ili ovjerena kopija istog*);
 - da nije osuđivan za krivično djelo i za prekršaj nespojiv sa dužnošću u Upravi preduzeća 5 godina od dana pravosnažnosti presude, isključujući vrijeme zatvorske kazne (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da ne vrši funkciju predsjednika ili člana nadzornog odbora ili uprave drugog društva ili institucije (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da mu presudom suda nije zabranjeno obavljanje aktivnosti u nadležnosti uprave (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da nije osoba otpuštena iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu tri godine od dana objavljivanja upražnjene pozicije (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da se na kandidata ne odnosi član IX. 1. Ustava Bosne i Hercegovine (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da nije na funkciji u političkoj stranci (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da ne postoje druge zakonske smetnje za obavljanje funkcije izvršnog direktora (*dokaz: potpisana izjava ovjerena od nadležnog općinskog organa ili notara, ne starija od 6 mjeseci*);
 - da je prošao odgovarajuće usavršavanje u skladu sa Zakonom o privrednim društvima („Sl. novine Federacije BiH“, broj 81/15, 75/21) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“, br. 34/19), odnosno da preuzima obavezu da usavršavanje obavi u roku predviđenom navedenom Uredbom (*dokaz: original ili ovjerena kopija Certifikata o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog općinskog organa ili od strane notara kojom kandidat izjavljuje da preuzima obavezu da usavršavanje obavi u roku od jedne (1) godine od dana imenovanja na poziciju*).
- Kandidat koji posjeduje certifikat izdat od ovlaštenog organa bilo kojeg nivoa vlasti u Bosni i Hercegovini, izuzet je od obaveze ovog usavršavanja.

b) Posebni uslovi:

Pored općih uslova kandidati moraju ispunjavati i sljedeće posebne uslove:

Za izvršnog direktora za investicije i tehničke poslove:

- da ima visoku stručnu spremu (VSS), VII stepen stručne spremlje ili završen II ciklus studija, tehničke, pravne ili ekonomske struke (*dokaz:original ili ovjerena kopija diplome fakulteta ili uvjerenja o diplomiranju o sticanju VSS, VII stepen stručne spremlje ili završenom stepenu II ciklusa studija*);
- da ima najmanje 5 godina radnog iskustva, od čega najmanje 2 godine na rukovodećim radnim mjestima (*dokaz:potvrda ili uvjerenje poslodavca o radnom iskustvu, original ili ovjerena kopija istog*),
- da u pisanoj formi ponudi plan i program procesa rada za mandatni period (*dokaz: plan i program procesa rada*) i
- da ima iskustvo i stručnost iz oblasti procesa rada za koji se kandiduje (*dokaz:potpisana izjava ovjerena od strane nadležnog općinskog organa ili notara, ne starija od 6 mjeseci od dana objave konkursa ili potvrda ili uvjerenje poslodavca kojom se utvrđuje traženo iskustvo i stručnost*).

Za izvršnog direktora za ekonomske i pravne poslove:

- da ima visoku stručnu spremu (VSS), VII stepen stručne spremlje ili završen II ciklus studija, ekonomske ili pravne struke (*dokaz:original ili ovjerena kopija diplome fakulteta ili uvjerenja o diplomiranju o sticanju VSS, VII stepen stručne spremlje ili završenom stepenu II ciklusa studija*);
- da ima najmanje 5 godina radnog iskustva, od čega najmanje 2 godine na rukovodećim radnim mjestima (*dokaz:potvrda ili uvjerenje poslodavca o radnom iskustvu, original ili ovjerena kopija istog*),
- da u pisanoj formi ponudi plan i program procesa rada za mandatni period (*dokaz: plan i program procesa rada*) i
- da ima iskustvo i stručnost iz oblasti procesa rada za koji se kandiduje (*dokaz:potpisana izjava ovjerena od strane nadležnog općinskog organa ili notara, ne starija od 6 mjeseci od dana objave konkursa ili potvrda ili uvjerenje poslodavca kojom se utvrđuje traženo iskustvo i stručnost*).

V-Potrebni dokumenti

Kandidati su dužni uz svojeručno potpisanu prijavu, koja sadrži kraću biografiju, adresu, kontakt telefon i e-mail, priložiti originalne dokumente ili ovjerene fotokopije dokumenata, navedenih u općim i posebnim uslovima.

Izbor i imenovanje izvršnih direktora, vrši Nadzorni odbor na prijedlog direktora preduzeća.

Konkursna komisija će nakon zaključenja konkursa pregledati sve prispjele prijave i utvrditi da li su prijave blagovremene i sa potpunom dokumentacijom.

Nepotpune i neblagovremene prijave neće se uzeti u razmatranje.

Komisija zadržava pravo provjere svih podataka iz izjava i drugih dokumenata kandidata te dostavlja izvještaj o provedenim aktivnostima Nadzornom odboru.

Kandidati koji uđu u užu izbor bit će pozvani na intervju koji će provesti Nadzorni odbor.

Kandidati s kojima se ne stupi u kontakt u roku od 10 dana od dana isteka roka za podnošenje prijave neće se uzeti u razmatranje u daljem toku postupka.

Konkurs će biti objavljen u dnevnom listu „Oslobođenje“, „Službenim novinama Federacije BiH“ i na web stranici preduzeća.

Konkurs za podnošenje prijave ostaje otvoren 15 (petnaest) dana od dana njegovog posljednjeg javnog objavljivanja.

Prijavu sa traženom dokumentacijom dostaviti lično ili preporučeno poštom na adresu:

**KJKP "VODOVOD I KANALIZACIJA" d.o.o. SARAJEVO, ul. JAROSLAVA ČERNIJA br. 8
sa naznakom**

"PRIJAVA NA KONKURS ZA IZBOR I IMENOVANJE ČLANOVA UPRAVE - OTVARA KOMISIJA".

Na poledini koverta je obavezno naznačiti ime i prezime podnosioca prijave.

Preduzeće nije obavezno vraćati dokumentaciju priloženu uz prijavu.